




VEDTEKTER SKJÅK KOMMUNE NÆRINGSFOND





VEDTEKTER	3
§ 1 Bakgrunn	3
§ 2 Formål	4
§ 3 Støtteformer.....	4
§ 4 Fordhold til internasjonale forpliktingar.....	4
§ 5 Støttevilkår.....	5
§ 6 Etablerarstipend	6
§ 7 Fondstyre.....	7
§ 8 Forvaltning.....	7
§ 9 Godkjenning av vedtekter.....	7
UTFYLLANDE KOMMENTARAR	8
REGLAR	12
• Reglar for tildeling av kommunalt tilskot til vatningsanlegg i jordbruket i Skjåk.....	12
• Reglar for kommunalt tilskot til nydyrking av jordbruksareal i Skjåk kommune.....	13
• Bruk av kommunalt næringsfond til finansiering av driftsbygningar i jordbruket.....	14
• Reglar for kommunalt tilskot til bygging av skogsvegar i Skjåk.....	17
• Reglar for tilskot til avvirkning.....	18
• Tilskot til drift i mellomvanskeleg terreng.....	19

I. VEDTEKTER FOR SKJÅK KOMMUNE SITT NÆRINGSFOND (revisjon oktober 2016)

§ 1 BAKGRUNN

Næringsfondet består i hovudsak av konsesjonsavgifter frå følgjande reguleringar:

TAFJORDVASSDRAGET	KONSESJONSDATO	NATURLEG HK
Heimste Vetldalsvatn	01.01.26	4.737
Slettedalsvatn	25.03.38	29.305
Kolbeinsvatn	29.07.38	3.966
Yttre reg. Kolbeinsvatn	11.01.63	1.813
Rødalsvassdraget	09.07.65	43.580

OTTADALSVASSDRAGET

Breidalsvatn/Raudalsvatn	20.08.48	39.931
Aursjoen	30.04.65 og 15.06.82	20.756

Avkastinga er årlege konsesjonsavgifter som vert innbetalt av konsesjons-eigarane i medhald av konsesjonsvilkår. I tillegg kjem renter og anna avkasting av fondet.

Konsesjonsavgifter pr. 30.11.2015:

KRAFTVERKEIGAR		AVGIFTER TIL FONDET
Øvre Otta - del 1 (Eidsiva)		2 804 664
Opplandskraft - del 2 (Eidsiva)		1 291 134
Eidefoss as		168 294
E-CO Vannkraft		175 751
Hafslund Prod.	05.01.2011	556 265
Borregaard	05.01.2011	87 918
Hydro Energi, Rjukan		284 578
Tafjord Kraft		
Glomma Kraftproduksjon		151 471
Sum 2016		7 037 187

§ 2 FORMÅL

Næringsfondet skal som hovudregel nyttast til verksemder som ligg i Skjåk. Fondet skal i første rekke nyttast til næringsformål som kan auke og trygge busetnaden i Skjåk.

Prosjekt som fører til nye arbeidsplassar eller trygging av eksisterande arbeidsplassar skal prioriterast.

Dette kan skje i form av finansiering av

- tilskot til verksemder
- kommunalt tiltaksarbeid
- grunnlagsinvesteringar
- bedriftsutvikling
- omdømmearbeid
- kommunale fellestilltak

I tråd med føringane i Rundskriv H-1/11 frå Kommunal- og moderniseringsdepartementet, skal fondet ikkje nyttast til sanering av gjeld i private verksemder, men det kan gjevast tilskot og lån til refinansiering i ei bedrift etter gjeldsanering. Fondet skal som hovudregel ikkje nyttast til drift av bedrifter eller kommune. Løn til næringskonsulent/sjef kan etter departementet sine retningsliner finansierast av fondet.

§ 3 STØTTEFORMER

Fondet skal som hovudregel gje støtte i form av tilskot, og ikkje til aksjeteikning i private bedrifter.

Når det gjeld eigarskap i utviklingselskap, utleigebygg m.m. kan kommunen gå inn med aksjekapital.

§ 4 FORHOLD TIL INTERNASJONALE FORPLIKTINGAR PÅ STATSSTØTTEOMRÅDET

Stønad frå fondet og annan offentleg stønad må for kvar einskild bedrift, samla ikkje overskride maksimalgrensa for «bagatellmessig støtte» etter EØS-regelverket.

Maksimalgrensa vert fastsett av EU-kommisjonen og er på tidspunktet for vedtaksfestinga av desse vedtektene 200 000 euro i ei periode på 3 år. Ved nyetabler-

ingar kan det gjevast stønad opp til det som er til ei kvar tid gjeldande EU-grense.

Det kan gjevast bagatellmessig støtte til alle næringar og til alle utgiftstyper, unnta støtte til primær stålproduksjon, skipsbygging, transport og eksport.

Dersom fondsstyret i kommunen ønskjer eit kraftfond utan dei avgrensingar som

reglane for bagatellmessig støtte gjev, må kommunen sjølv sørge for at tiltaket blir meldt til Nærings- og handelsdepartementet, via Kommunal- og regionaldepartementet i samsvar med Lov om offentleg støtte § 2.

§ 5 STØTTEVILKÅR

Samla finansiering frå fondet til private nærings tiltak skal ikkje overstige 20 pst av det totale kapitalbehovet for eit prosjekt.

Støtta er som hovudregel avgrensa til kr. 650.000,- til ei og same bedrift i etableringsfasen. Beløpet skal framover regulerast med generell prisfaktor.

Etableringsfasen kan gå over ei 5-årsperiode.

Bedrifter som har vore i drift meir enn 5 år og som søker på nytt, kan som hovudregel maksimalt få tildelt tilskot på kr. 350 000,- over ein ny 5-årsperiode. Eigarskifte utan omlegging av drifta blir ikkje rekna som etablering. Der eigarskiftet medfører større omlegging av drifta kan det gjevast tilskot.

Bedrifter som får anna offentleg støtte plikter å opplyse i søknaden om kor mykje som er motteke i støtte dei siste

5 åra og i tillegg opplyse om eventuelle andre offentlege instansar som det blir søkt tilskot frå i eitt og same prosjekt. Samla offentleg støtte skal ikkje overskride dei prosentvise maksimalsatsane for næringsfondet. Ved særleg kostnadskrevjande tiltak med utsikt til mange arbeidsplassar eller særleg samfunnsnytte, kan maksimalsatsane fråvikast.

Utgifter som søkeren har hatt før søknaden blir fremma, skal ikkje inkluderast i grunnlaget for utmåling av støtte.

I kostnadsgrunnlaget kan det leggjast inn ein post som omhandlar uføresette utgifter som kan vere inntil 8 pst av prosjektkostnadane.

§ 6 ETABLERARSTIPEND

Ny-etablerarar kan etter søknad få eit etablerarstipend på inntil 100 000 kroner. Det krevst konkret og realistisk organisasjon- og forretningsplan og etablerarkurs eller liknande som grunnlag for å få utbetalt slik støtte. Kravet om å grunn-ge sysselsettingseffekta av verksemda gjeld også her.

Om ein søknad også vil kunne få høgare støtte enn 100 000 kroner etter reglane i § 5 første avsnitt og vel å søkje ordinært tilskot, vil søkjar ikkje kome inn under ordninga med etablerarstipend.

Etablerarstipendet er gradert ut frå forventa sysselsettingseffekt på følgjande måte:


0,76 – 1	årsverk: 100 000 kr
0,51 – 0,75	årsverk: 75 000 kr
0,26 – 0,50	årsverk: 50 000 kr
0, – 0,25	årsverk: inntil 25 000 kr

Det er eit krav at den som mottek tilskot driv verksemda i kommunen i minst tre år. Om vedkommande flytter ut verksemda i denne perioden, vil avkorting måtte påreknast.

Etablerarar med verksemdar som får offentlig driftsstøtte vil ikkje kome inn under denne ordninga.

Eigarskifte og vidare drift av eksisterande verksemd omfattast ikkje av ordninga. I slike høve kan det søkjast om støtte etter § 5.

Utmålingsprofilen er 60 pst første år, 20 pst andre og 20 pst tredje år. Det skal rapporterast på bruken av tilskotet etter at perioden er over, dvs. tredje år.



§ 7 FONDSTYRE

Saker inntil 100 000 kroner blir delegert til Miljø – og næringsutvalet.
Saker mellom 100 001 kroner og 250 000 kroner blir delegert til Skjåk formannskap.

Alle saker skal refererast til overordna styre/utval.

Etter kommunelova § 59 kan tre eller fleire medlemmar i kommunestyret saman bringe avgjerd som er fatta av folkevalt organ inn for departementet (fylkesmannen) til kontroll av avgjerda etter lova.

Avslag på søknad om støtte er eit enkeltvedtak etter forvaltingslova § 2. Klage på vedtak i fondsstyret kan etter forvaltingslova § 28 andre ledd sendast til kommunestyret. Dersom vedtaket er fatta av kommunestyret, er departementet (fylkesmannen) klageinstans.

Oppdatert saldo for næringsfondet skal inn i saksframstillinga som fast punkt.

§ 8 FORVALTING

Fondsmidlane står på renteberande konto og skal vere disponible til ei kvar tid.
Renter og avdrag skal attendeførast til fondet.

Årsmelding om verksemda til fondet skal leggjast fram for kommunestyret kvart år.

Gjenpart skal sendast fylkesmannen og fylkeskommunen.

§ 9 GODKJENNING AV VEDTEKTER

Vedtektene kan endrast etter vedtak i kommunestyret. Vedtak treng godkjenning av fylkesmannen. Kopi av godkjente vedtekter skal sendast fylkeskommunen.

UTFYLLANDE KOMMENTARAR

Andre instansar

1. Før det kan søkjast om støtte frå Skjåk næringsfond må moglegheitene for finansiering gjennom tilskot og lån frå andre instansar prøvast. Dette gjeld spesielt Innovasjon Noreg og BU-ordninga. Dersom desse ikkje går inn i eit prosjekt, kan kommunen likevel etter ei konkret vurdering gje støtte i form av midlar frå næringsfondet.

2. Kommunalt næringsfond kan nyttast saman med lån/tilskot gjeve av Innovasjon Norge og BU når summen av støtte maksimalt kjem opp i 20 pst av investeringa.

Utfyllande vilkår for støtte

Næringsdrivande som ynskjer å auke kompetansen ved å delta på spesielt tilrettelagde kurs innan eige fagområde, kan få støtte til dette gjennom næringsfondet.

Mobiltelefonar, edb-utstyr o.l. blir rekna som driftsutgift og kan som hovudregel ikkje leggjast inn i kostnadsoverslaget for tildeling av tilskot. Utstyr knytt til utvikling av IKT-verksemder og andre som treng spesialisert programvare kan etter ei konkret vurdering få støtte til nødvendig produksjonsutstyr. Elles gjeld dei same reglane som for andre saker.

Byggearbeid i eigen bustad skal ikkje takast med i kostnadsoverslaget.

2.1 Næringar som kan få støtte frå fondet

Alle yrker og næringar kan søke om støtte. Det er ein føresetnad at søkjar presiserer sysselsettingseffekten av tiltaket, og vurderer kor mange arbeidsplassar tiltaket kan gje.

Ved ei samfinansiering med Innovasjon Norge/BU og lokal bank/kommune bør ikkje maksimalt samla tilskot komme over 20 pst av investeringa. Om summen overstig kr 100 000, vil ikkje søkjar i tillegg få etablerarstipend, jf § 5.

Søknadar som berre dreier seg om kjøp/utskifting av køyrety (som t.d. bilar, traktorar, gravemaskiner m.m.), maskiner og reiskap har ikkje rett på tilskot frå kommunalt næringsfond. Det samlede gjeld lager, uthus, garasjebygg og liknande, som ikkje har direkte sysselsettingseffekt for verksemda. Investering i bustad blir ikkje dekt av fondet.

Førstegongsetablerarar som ønskjer å etablere seg med verksemd i Skjåk, kan få eit etablerarstipend på inntil 100 000 kroner, avhengig av sysselsettingseffekta målt i årsverk. For å utløyse eit slikt tilskot må det leggjast fram ein konkret forretningsplan der det blir gjeve ei vurdering av marknadsmulegheiter på kort og mellomlang sikt, sysselsettingseffekt i tillegg til dokumentasjon i form av forretningsplan, organisasjonsnummer og etablerarkurs eller liknande. For å få utløyst stipendet må søkjaren forplikte

seg til å ha verksemda etablert i Skjåk. Som det går fram av vedtektene § 6, er tilskotet gradert ut frå kor stor sysselsettingseffekt tiltaket vil ha.

For førstegongsetablerarar vil det ikkje alltid vere enkelt å fastslå ei slik effekt, men prosjektplanen må sannsynleggjere kor mange årsverk som vil realiserast i løpet av ein treårsperiode.

Etablerarstipenordninga skal evaluerast i løpet av inneverande kommunestyreperiode.

2.2 Spesielt for primærnæringane

Det er spesielle regelverk innan landbruket, jf del 2 av vedtektene.

2.3 Krav til søknad og utbetaling av tilskot

Det skal leggjast fram ein samla framdriftsplan for prosjektet. Søknaden skal innehalde forklaring på innhaldet i prosjektet som det søkast tilskot til og grunngje i ei oversikt o forventa sysselsettingseffekt av tiltaket.

I søknaden skal også kostnadsoverslag følgje med. Der kostnadsoverslaga er store, kan det bli krav om ei nærmare grunngjeving av dei største postane. Finansieringsplan skal følgje med søknaden og denne må ha same sluttsum som kostnadsoverslaget.

- Dersom rekneskapskontor eller annan institusjon utformer søknaden, skal den likevel vere underteikna av ansvarleg/eigar av prosjektet.
- I søknadar der kostnadspostar inneheld eigeninnsats, skal timesatsen på eige arbeid spesifiserast. Timesats for eigeninnsats blir satt til kr 250,- pr time. Eigeninnsats skal ikkje utgjere meir enn 20 pst av prosjektkostnadane. Eigeninnsatsen skal gå fram av rekneskapen. Sluttbetaling av tilskot skjer fyrst etter at kommunen får tilsendt sluttrekneskap attestert av rekneskapsførar/ revisor. For prosjekt med tilskot under kr. 50 000,- er det tilstrekkeleg at kommunen får kopi av bilaga før luttbetaling kan skje. I prosjekt der vesentlege avvik i forhold til søknaden kjem inn, skal desse forklarast før utbetaling av tilskot skjer.

Generelt gjeld at prosjektet skal vere avslutta innan 3 - tre - år frå dato på løyingsbrevet for at tilskot kan utbetalast. Ikkje utbetalt tilskot innan desse tre åra blir automatisk attendeført til fondet.

I saker der tilskotet kjem over kr. 30 000,- kan tiltakshavar be om ei delutbetaling. Delutbetalinga skal ikkje overstige vesentleg prosentvis del av fullføringa av prosjektet (for eksempel krev 50 pst delutbetaling at ca. 50 pst av omsøkte prosjekt er gjennomført).



SKJÅK NÆRINGS-PARK

SKJÅK
ENERGI NETT

MELBY
TRANSPORT
AS

PROEL AS

STATENS
NATUR-
OPPSYN

OTTADALEN
INSTALASJON
AS

BISMO
VASSVERK

SEBB AS

SKJÅK
ALMENNING

NORSK
TRAFIKK-
DIRIGERING
AS

SKJÅK
NÆRINGS-
BYGG

SKJÅK
INTERIØR AS

**PER HAGEN
AS**

**SKJÅK
MILJØSTASJON**

**MJØSEN
SKOG AS**

**FLATEN
BYGG AS**

INTERFIL AS

**VEGA
PARTNERS
AS**

**SKJÅK
TRELAST AS**

REKARVED AS

BITEKO AS

**BISMO
BILVERKSTED
AS**

**BYGGERN
SKJÅK AS**

**LIENS
TRAFIKKSKULE
AS**

**DMT ALVDAL
AVD. SKJÅK**

SKJÅK BIL AS

REGLAR FOR TILDELING AV KOMMUNALT TILSKOT TIL VATNINGSANLEGG I JORDBRUKET I SKJÅK

(Vedteke i K-sak 88/16, tidlegare i formannskapet etter tilråding frå miljø- og næringsutvalet.)

§ 1

I tilskotsgrunnlaget kan det godkjennast kostnadar til fast ledningsnett, pumpeanlegg, damanlegg, framføring av elektrisk kraft til pumpe og liknande som ein fast del av anlegget.

§ 2

Overflateutstyr som t.d. vatningsvogn blir ikkje godkjent som del av kostnadsoverslaget.

§ 3

Prosjekt som berre består av utskifting av pumpe, motor og liknande gjev ikkje grunnlag for tilskot.

§ 4

Minste kostnadsoverslag som kan fremmast er kr. 30 000,- for enkeltannlegg. Eige arbeid til anlegget kan gå inn som kostnad. Timesatsen er i 2016 kr. 200,-.

§ 5

Tilskotsutmålinga er 20 pst av godkjent kostnadsoverslag. Prosjektet må vere avslutta innan 3 – tre – år etter løyvingsdato for at utbetaling av tilskot kan skje.

§ 6

Kvart bruk kan maksimalt få løyvd tilskot på kr. 100 000,- til vatningsanlegg over ei 5-årsperiode.

REGLAR FOR KOMMUNALT TILSKOT TIL NYDYR KING AV JORDBRUKS-AREAL I SKJÅK KOMMUNE

(Vedteke i K-sak 88/16 etter tilråding frå miljø- og næringsutvalet.)

§ 1

Tilskotet kan gjevast til nydyrking av privat jordbruksareal for gardsbruk i Skjåk.

§ 2

Tilskotet kan gjevast til bruk over ti daa jordbruksareal. Søkar må dyrke minimum ein dekar for å få tilskot.

§ 3

Søknad om tilskot blir fremma på standardisert skjema utarbeida av Skjåk kommune. Kartutsnitt som viser nydyrkingsparsellen skal vere vedlagt søknaden.

§ 4

For å kunne søke om tilskot må nydyrkingsprosjektet vere godkjent i kommunen.

§ 5

Tilskot kan gjevast med inntil kr. 3 000,- pr dekar fulldyrka areal.



BRUK AV KOMMUNALT NÆRINGSFOND TIL FINANSIERING AV DRIFTSBYGNINGAR I JORDBRUKET

(Vedteke i K-sak 21/08. tidlegare behandlingar: K-sak 88/16)

§ 1

Det kommunale næringsfondet kan nyttast til delfinansiering av driftsbygningar i jordbruket i form av tilskot.

§ 2

Tilskot kan ytast etter desse retningslinene:

- Hovudmålgruppa er personar knytt til landbrukseigedom slik definisjonen er i regelverket for BU-ordninga til ei kvar tid.
- Fellestiltak vurderast på fritt grunnlag i forhold til kostnadsoverslag
- Bruket må sysselsette minimum 0,5 årsverk etter at investeringa er gjennomført - rekna etter effektivitetsnormene i jordbruket
- Maksimalt tilskot til driftsbygning i løpet av ein 5-årsperiode er kr 150 000,-. Ved generasjonsskifte/nyetablering kan maksimalt kr 200 000,- tildelast som tilskot over ein 5-årsperiode (40 % tilskot av kostnadsoverslaget).
- Søknaden må vere slik at den kjem under regelverket for BU-ordninga for tradisjonelt landbruk, men likevel ikkje får BU-midlar. I tillegg kan andre husdyrproduksjonar godkjennast med rett på tilskot. Dersom søkjar delvis får finansiering frå annan tilskottsytar, kan samla tilskott frå denne og frå næringsfondet utgjere maksimalt 20% (40% generasjonsskifte/nyetablering) av kostnadane samla. Opp til kr 150 000,- (kr 200 000,- generasjonsskifte/nyetablering) frå næringsfondet.



Foto: Stjølkommune

- Investering i nytt brannvarslingsanlegg, elektriske anlegg og liknande kan inkluderas i kostnadsoverslaget. Mjølkeanlegg kan godkjennast når utbetringa skjer i samband med modernisering eller av driftsbygningen.

§ 3

Krav til investeringa for at tilskot kan gjevast:

Tilskot til investering i driftsbygning kan gjevast til:

- Nybygg
- Utviding
- Ombygging og modernisering
- Dersom spesielle forhold tilseier det, kan tilskot gjevast også til andre driftsbygningar enn for husdyrhald
- Investeringa må vere på minimum kr. 200 000,- for at tilskot kan gjevast
- For godkjent kostnadsoverslag på inntil kr. 750 000,- kan inntil 20 pst tilskot løyvast, men for generasjonsskifte/nyetablering kan 40 pst tilskot løyvast. For tiltak med høgare kostnadsoverslag, vil den delen som går ut over kr. 750 000,- felle utanom grunnlaget for utrekning av tilskot.
- Kostnadsoverslaget kan omfatte fastmonterte driftsmiddel. Bil, maskiner, Data-utstyr som ikkje inngår som ein del av produksjonen fell utanom kostnadsoverslaget.
- Ein gard kan ikkje fremme søknad om tilskot frå kommunalt næringsfond før tidlegast fem år etter løyvingssdato for BU-søknad.
- Søknad om kommunalt tilskot må fremjast same år (innafor 12 månadar) som investeringa blir gjort. Dette grunnjevast med at det kan gå nokre månadar på behandling/avslag av BU-søknaden på same prosjektet.



Foto: Erik Berg-Johansen

REGLAR FOR KOMMUNALT TILSKOT TIL BYGGING AV SKOGSVEGAR I SKJÅK.

(Vedteke i K-sak 88/16)

§ 1

Tilskotet gjeld både ny-bygging og ombygging av eksisterande veg. Ved ombygging er det krav at vegstandarden skal hevast minst ei vegklasse. Tilskotet gjeld berre privat-skogbruket.

§ 2

Vegen skal vera planlagt av fagfolk og godkjent av kommunen før tilskot kan løyvast.

§ 3

Vegen skal byggjast i samsvar med «Normaler for landbruksveier med byggebeskrivelse» utgjeve av Landbruksdepartementet i 1997.

§ 4

Minste kostnadsgrunnlag for eit vegprosjekt som det kan søkjast tilskot til er kr 10 000.

§ 5

Det kan gjevast tilsegn om tilskot på inntil 20 pst av godkjent kostnadsoverslag. Felles veganlegg vil bli prioritert, og det vil ikkje bli gjeve tilskot til enkeltanlegg der det ligg til rette for felles veganlegg. Tilskotet blir utbetalt etter at vegen er godkjent av kommunen. Faktiske dokumenterte kostnader ligg til grunn for utbetalinga av tilskotet.

§ 6

Søknad om tilskot blir behandla fortløpande.

§ 7

Det er eit vilkår at interessentane held vegen ved like.

§ 8

Tilskot blir berre gjeve til veganlegg der dei miljøomsyn som er nedfelt i skogbrukslova med forskrifter blir fylgd.

REGLAR FOR TILSKOT TIL AVVIRKNING

(Vedteke i K-sak 88/16 13.10.2011)

§ 1

Tilskot blir berre gjeve til privatskogbruket.

§ 2

Tilskot blir berre gjeve til virke som blir levert for sal, dvs at virket må vere registrerti VSOP for sal.

§ 3

Avverkinga må vere i samsvar med «Levende skog standardar» og tilfredstille «forskrift om berekraftig skogbruk».

§ 4

Tilfredstillande forynging av arealet skal vere sikra.

§ 5

Tilskotet er kr.60,- pr. m³.

TILSKOT TIL DRIFT I MELLOMVANSKELEG TERRENG

Ordninga er tenkt å gjelde for motormanuell drift med traktor og vinsj i bratt terreng med gjennomsnittleg helling over 40 pst.

Forslag til tilskotssats er kr 60,- pr m³, det same som den tidlegare statlege tilskotsordninga. Dette bygger på nivået tømmerprisen og dei ekstra kostnadene ved å drive i slikt terreng.

Forslag til vilkår:

- Tilskot blir berre gjeve i område som er avsett til landbruksformål i arealplanen og som fortsatt skal brukast til skogbruksformål.
- Lilengda må vere minst 50 meter og ha gjennomsnittleg helling minst 40pst.(Areal inntil 3 daa med mindre helling innanfor driftsområdet kan inngå når dette må drivast saman med det bratte området).
- Ordninga gjed for motormanuell drift med traktor og vinsj.
- Tilskot kan gjevast til rundvirke av gran og furuvirke som er levert for sal og innrapportert til VSOP-basen. Minste kvantum er 40 m³.
- Drifta skal førehandsgodkjennast av kommunen, som skal:
 - Kontrollere at driftene ikkje medfører risiko for skadeleg miljøpåverking eller fare for flom/erosjon/skred med betydeleg skadepotensial.
 - Det skal ikkje gjevast tilskot som fører til urasjonelle løysingar for framtidige drifter eller veganlegg.
- Det er eit vilkår at det vert sørgja for tilfredsstillande forynging av hogstfeltet.

